



Broj predmeta: UP-I-KSI-09-07/25
Datum: 21.11.2025. godine

Na osnovu člana 25. i člana 33. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21), Komisija za odlučivanje o sukobu interesa, postupajući po službenoj dužnosti u predmetu utvrđivanja povrede odredaba Zakona o sprečavanju sukoba interesa u institucijama Brčko distrikta Bosne i Hercegovine od strane E. S. iz Brčkog, ulica [REDACTED], Brčko, člana Upravnog odbora JZU „Zdravstveni centar Brčko“ Brčko distrikt BiH, nosioca javne funkcije, na 136. sjednici, održanoj dana 21.11.2025. godine, donosi

ZAKLJUČAK

Obustavlja se postupak protiv E. S. iz Brčkog, ulica [REDACTED], Brčko, člana Upravnog odbora JZU „Zdravstveni centar Brčko“ Brčko distrikt BiH, nosioca javne funkcije, pokrenut Zaključkom, broj: UP-I-KSI-09-007/25 od 29.10.2024. godine, radi sumnje na povredu člana 19. stav (1) i stav (2) i člana 20. Zakona o sprečavanju sukoba interesa u institucijama Brčko distrikta Bosne i Hercegovine, koja bi proizilazila iz okolnosti da nosilac javne funkcije prilikom podnošenja Izvještaja o imovinskom stanju nije potpuno i tačno unijela podatke o pokretnim stvarima vrijednosti veće od 5.000,00 KM, odnosno neusklađenosti sa prikupljenim podacima od nadležnih organa i institucija za nosioca javne funkcije i članove porodičnog domaćinstva.

Образложење

Dana 29.10.2025. godine Komisija za odlučivanje o sukobu interesa (u daljnjem tekstu: Komisija) po službenoj dužnosti pokrenula je postupak Zaključkom, broj: UP-I-KSI-09-07/25, protiv E. S. iz Brčkog, člana Upravnog odbora JZU „Zdravstveni centar Brčko“ Brčko distrikt BiH, radi sumnje na povredu člana 19. stav (1) i stav (2) Zakona o sprečavanju sukoba interesa u institucijama Brčko distrikta Bosne i Hercegovine koja proizilazi iz okolnosti da nosilac javne funkcije prilikom podnošenja Izvještaja o imovinskom stanju nije potpuno i tačno unijela podatke o pokretnim stvarima vrijednosti veće od 5.000,00 KM, odnosno neusklađenosti sa prikupljenim podacima od nadležnih organa i institucija za nosioca javne funkcije i članove porodičnog domaćinstva.

Dana 04.11.2025. godine, u zakonskom roku, Komisiji je dostavljeno pisano izjašnjenje na zaključak Komisije o pokretanju postupka, broj: UP-I-KSI-09-07/25 od 29.10.2025. godine, u kojem nosilac javne funkcije navodi da je dana 18.09.2025. godine izvršila dopunu Aneksa II, a za kupovinu putničkog automobila, marke: Škoda, registarskih oznaka: E79-O-295, godina proizvodnje 2021., vlasništvo E. S., bračni drug nosioca javne funkcije.

E. S. je Odlukom broj: [REDAKCIJA] godine, imenovana za člana Upravnog odbora JZU „Zdravstveni centar Brčko“ Brčko distrikt Bosne i Hercegovine, te je shodno članu 2. Zakona o sprečavanju sukoba interesa u institucijama Brčko distrikta Bosne i Hercegovine nosilac javne funkcije i upisana u Registar javnih funkcija i nosilaca javnih funkcija.

Članom 22. Poslovnika o radu Komisije za odlučivanje o sukobu interesa propisano je da je nosilac javne funkcije stranka u postupku.

Članom 19. stav (1) Zakona propisano je da je nosilac javne funkcije dužan u roku od 30 (trideset) dana od dana stupanja na javnu funkciju, podnijeti Komisiji Izvještaj o imovinskom stanju, za sebe, bračnog i vanbračnog druga, djecu, druge članove porodičnog domaćinstva kao i lica prema kojima nosilac javne funkcije ima zakonsku obavezu izdržavanja, prema stanju na dan kada je izabran, odnosno imenovan, dok je stavom (2) istog člana propisano da Izvještaj sadrži: a) lične podatke nosioca javne funkcije i članova njegove uže porodice, uključujući JMB, podatke o funkciji koju nosilac javne funkcije obavlja; b) podatke o sadašnjim prihodima i izvorima prihoda, uključujući sve prihode, plate, dobit od imovine, uplate i druge zarade ostvarene u BiH i u inostranstvu u protekloj kalendarskoj godini; c) podatke o imovini, uključujući novac, račune u banci, poslovnu dokumentaciju, dionice, vrijednosne papire, obveznice, nepokretnu imovinu, stanarsko pravo i drugu imovinu i dobra u vrijednosti većoj od 5.000,00 KM, u BiH i inostranstvu; d) podatke o rashodima i drugim obavezama, uključujući sva dugovanja, obaveze, mjenice, kredite i jamstva za takve obaveze u BiH i inostranstvu.

Članom 20. stav (4) Zakona propisano je da se pod pokretnim stvarima veće vrijednosti smatraju vozila, plovila, zrakoplovi, radne mašine, lovačko oružje, umjetnine, nakit, drugi predmeti lične upotrebne vrijednosti, životinje i druge stečene pokretne stvari pojedinačne vrijednosti veće od 5.000,00KM, osim predmeta domaćinstva i odjevnih predmeta.

Članom 23. stav (4) Zakona propisano je da Komisija za svaki podneseni Izvještaj o imovinskom stanju provodi redovnu provjeru. Redovna provjera predstavlja provjeru tačnosti i potpunosti podataka iz Izvještaja o imovinskom stanju upoređivanjem podataka s podacima o imovinskom stanju nosioca javne funkcije prikupljenim od organa, institucija i pravnih lica u zemlji i inostranstvu koji raspolažu informacijama, odnosno organa, institucija i pravnih lica koja vode evidencije o podacima, dok je istim članom stav (6) Zakona propisano da ukoliko se u postupku provjere tačnosti podataka utvrdi da nosilac javne funkcije nije naveo tačne i potpune podatke u Izvještaju o imovinskom stanju, Komisija pokreće postupak shodno članu 32. ovog Zakona.

Komisija za odlučivanje o sukobu interesa pokrenula je postupak radi provjere navoda o mogućem sukobu interesa u predmetu koji se odnosi na sumnje da nije potpuno i tačno unijela podatke u Izvještaj, odnosno Aneks II – Obrazac o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, vezano za podatke o pokretnoj imovini bračnog druga nosioca javne funkcije, za koje se unose podaci u Izvještaj o imovinskom stanju, čime je postupila protivno odredbama iz člana 19. stav (1) i (2) tačka c) i člana 20. Zakona o sprečavanju sukoba interesa u institucijama Brčko distrikta Bosne Hercegovine. U toku postupka izvršen je detaljan uvid u materijalnu dokumentaciju, te su provedene sve potrebne provjere u skladu sa odredbama Zakona o sukobu interesa Brčko distrikta Bosne i Hercegovine.

Imajući u vidu da je E. S., nosilac javne funkcije, dostavila pisano Izjašnjenje i da je kao dokaz priložila materijalnu dokumentaciju, u koju je Komisija izvršila uvid, te uvid i u dokumenta koja posjeduje Komisija, odnosno u dopuni Izvještaja o imovinskom stanju. Analizom prikupljene dokumentacije utvrđeno je da je ista uredna, potpuna i usklađena s

važećim propisima. Nisu utvrđene nepravilnosti niti činjenice koje bi ukazivale na bilo kakvo kršenje zakonskih odredbi.

Kako u provedenom postupku nisu utvrđeni elementi kršenja zakonskih odredbi, Komisija cijeni da ne postoje zakonski osnovi za dalje vođenje postupka, te je odlučeno kao u dispozitivu ovog Zaključka.

POUKA O PRAVNOM LIJEKU

Saglasno odredbama člana 37. stav (1) Zakona, ova odluka je konačna u upravnom postupku i protiv iste nije dopuštena žalba, ali se može pokrenuti upravni spor u roku od 30 dana od dana dostavljanja odluke tužbom pred Osnovnim sudom Brčko distrikta Bosne i Hercegovine.

Predsjednik
Komisije za odlučivanje o sukobu interesa

Admira Mujić, dipl. pravnik

Dostaviti:

- Imenovanoj
- Evidenciji
- Arhivi